

Hebritowo je agbalē

Vi la kɔ wu mawudɔlawo

¹ Le blema la Mawu fo nu na mia fofowo zi geḡe to mɔ vovovowo dzi to Nyagblɔḡilawo dzi. ² Ke le ŋkeke mamlɛtɔ siawo me la, efo nu na mí to Via si wòtia be wòanye nuwo katã fe domenyila la dzi, ame si dzi hã wòto wɔ xexea me. ³ Vi la klēna kple Mawu fe ŋutikɔkɔe. Enye ame si ḡe Mawu fe nonɔme tututu fia, eye wòna agbe nuwo katã to efe ŋusēnya la me. Esi wòklɔ nu vɔwo ḡa vɔ la, enɔ anyi ḡe Mawu fe nuḡusime le dzifo. ⁴ Ale wòkɔ sãa wu mawudɔlawo abe ale si ŋkɔ si wòtsɔ nyi domee la kɔ wu wo tɔ sãa ene.

⁵ Elabena mawudɔlawo dometɔ kae Mawu gblɔ na kpɔ be,

“Wòe nye vinye;
egbe mezu Fofowò”?

Alo wògagblɔ na ḡe be,

“Manye fofoa,
eye eya hã anye Vinye”?

⁶ Eye esi Mawu ḡo via ŋgɔgbea ḡe xexea me la, egbɔ be,

“Ele be mawudɔlawo katã nasubɔe.”

⁷ Mawu fo nu tso efe ḡɔlawo ŋuti be,

“Ewɔ efe ḡɔlawo abe yafofowo ene,
eye efe subɔlawo abe dzo fe aḡewo ene.”

⁸ Ke egbɔ le via ya ŋuti be,

“O, Mawu, wò fiazikpui anɔ anyi tegbetegbe,

- eye dzodzonyenye anye wò fiadufe fe tsi-
amiti.
- ⁹ Èlǎ dzodzonyenye, eye nèle fu ɲutasesē, eya
ta Mawu,
wò Mawu la tso wò ɖo tefe kɔko wu
nɔviwòwo katã to esia me be
etsɔ dzidzo fe ami la si na wò.”
- ¹⁰ Egagblo be,
“O Afeto, le gomedzedzea me la eɖo xexea me fe
gomedokpe anyi,
eye dzifowo hã nye wò asinudɔwɔwɔ.
- ¹¹ Woatsrɔ̃, gake wò la, ànɔ anyi,
wo katã woanyunyɔ abe awu ene.
- ¹² Ànɔ wo abe awu ulaya ene,
eye àɖe wo ɖi abe awu si wodo la ene,
ke wò ya la, ànɔ nenema, màtrɔ o,
eye wò fewo hã mawu enu akpɔ gbede o.”
- ¹³ Mawudɔla kae Mawu gbɔ na kpɔ be,
“Bɔbɔ nɔ anyi ɖe nye nuɖusime va se ɖe esime
mawɔ wò
futowo woazu afɔɖɔdzinu na wò”?
- ¹⁴ Ekema nu kawoe mawudɔlawo nye? Wo katã
nye gbɔgbɔ siwo subɔa Mawu, eye Mawu ɖɔa
wo be woakpe ɖe ame siwo anyi ɖeɖekpɔkpɔ fe
dome la ɲuti.

2

Nuxɔxlǎ amewo hena toɖoɖo

- ¹ Esia ta ele na mi be miadɔ to nyatefenya
siwo katã miese la nyuie, ne menye nenema
o la, miate ɖa xaa tso nyatefe la gbɔ. ² Ne
gbedeasi si mawudɔlawo gbɔ la nye nyatefe,
eye edzidalawo kple ame siwo meɖo toe o la xɔ

tohehe si wodze na la, ³ aleke míawo ya míawo asi le enu ne míegbe toḍoḍo dẹdenya gã sia? Dede sia si Afeto la nuto de gbefãe zi gbãto la woḍo kpe edzi na mi to ame siwo ḍo toe la dzi. ⁴ Mawu nuto hã ḍo kpe wofe ɔasediḍi dzi to dzesiwo, nukunuwo kple nukudo vovovowo dzi, eye wòna Gbɔgbɔ Kɔkɔe la fe nunana amewo le ale si wòlõ nu.

Yesu na ame fe naɔme me

⁵ Mawu metsɔ mawudɔlawo ḍo dziḍulawoe na xexeme si ava va esi nuti míele nu fom le o. ⁶ Ke ame aḍe gblo le Psalmowo fe agbalẽ me be,

“Nu kae nye amegbetɔ be nèbua enuti,
eye nu kae nye Amegbetɔ Vi be nèléa be ne?”

⁷ Èwo wo wobobo de anyi vie wu mawudɔlawo, ètsɔ nɔtikokɔe kple bubu ḍo ne abe fiakuku ene,

⁸ eye nètsɔ nu sia nu de efe afo te.”

Esi Mawu tso nu sia nu de efe dzikpɔkpɔ te la, mede naneke le eme o. Gake fifi laa la, medze abe nu sia nu le efe dzikpɔkpɔ te ene o. ⁹ Míekpɔ Yesu, ame si wowo wòḍiḍi vie wu mawudɔlawo, ke fifia la, woḍo bubu kple nɔtikokɔe fe fiakuku ne, elabena ekpe fu yi de ku me ale be to Mawu fe amenuveve me wòaxo ku de ame sia ame nu.

¹⁰ Deko wòle etefe be Mawu, ame si wo nuwo katã, eye wòlé nuwo katã de te la nawo Yesu blibo to fukpekpe me be wòakplo viɔutsu gedewo ve woakpɔ gome le efe nɔtikokɔe me, elabena Yesue kplɔ wo yi dede la gbɔe. ¹¹ Ame si wɔa amewo kɔkɔe kple ame siwo wowo kɔkɔe la katã nye fome deka me nɔlawo. Eya ta mekpe

ηu na Yesu be wòayɔ wo be ye nɔviwo o. ¹² Egblo be,

“Maḡe gbefã wò ηkɔ na nɔvinyewo,
madzi wò kafukafuhawo le ameha la
ηkume.”

¹³ Egagblo be,

“Maḡo dzi ḡe Mawu ηu.”

Eye wògagblo be,

“Nye kple vi siwo Mawu nam la míele afii.”

¹⁴ Esi ḡeviawo nye ηutilã kple ɔu ta la, eya hã kpo gome le wofe amenyenye me, ale be to efe ku me wòatsrɔ ame si si ku fe ηusẽ le, ame si nye Abosam, ¹⁵ eye wòḡe ga ame siwo zu kluviwo to vɔvɔ na ku me le wofe agbemenkekewo katã me. ¹⁶ Le nyatefe me la, menye mawudɔlawo ηue wòkpe ḡo o, ke boη ekpe ḡe Abraham fe dzidzimeviwo ηu. ¹⁷ Le susu sia ta wòle be woawɔe wòano abe nɔviawo ene le go sia go me, ale be wòava zu nunɔlagã, nublanuikpɔla kple nutefewɔla le Mawu fe ḡo me, eye be wòaxe fe ḡe amewo fe nu vɔwo ta. ¹⁸ Esi wònye be eya ηuto kpe fu to tetekpo me ta la, ete ηu kpe ḡe ame siwo tem wole kpo la ηu.

3

Kristo nye gã wu Mose

¹ Eya ta nɔvinye kɔkɔewo, ame siwo kpo gome le dzifo fe yoyɔ la me, mida miafe susuwo ḡe Yesu, apostolo kple nunɔlagã, ame si me mieɔu la dzi. ² Ewo nutefe na Mawu, ame si tiae abe ale si Mose hã wo nutefe le nuwo katã me le Mawu fe afe me la ene. ³ Abe ale si ame si tso afe nyui

adẹ xɔa kafukafu wu afe si wòtso ene la, nenema kee Yesu hã dze na bubu wu Mose. ⁴ Elabena afe ɔe sia ɔe la, ame adẹe tsoe, gake Mawue nye nu sia nu wɔla. ⁵ Mose nye dɔla nutefewɔla le nuwo katã me le Mawu fe afe me, nu sia ɔi ɔase le nu si Mawu ava gbɔ emegbe la ɲuti. ⁶ Ke Kristo nye viɲutsu nutefewɔla ɔe Mawu fe afe dzi, eye miawoe nye Mawu fe afe la, ne mielé dzidefo kple mɔkpɔkpɔ si me miéfoa adegbe le la me ɔe asi.

Nuxɔxlɔ ɔe dzimaxɔse ɲuti

⁷ Eya ta abe ale si Gbɔgbɔ Kɔkɔe la gblɔe ene be,

“Egbe ne miese efe gbe la,

⁸ migasẽ miafe dziwo me

abe ale si miewɔ le miafe aglãdzedze me,

le ɣeyiɣi si me mieto dodokpɔ me le gbedadafo la ene o.

⁹ Afi ma mia fofowo dom kpɔ, eye wotem kpɔ le, eye wokpɔ nu si mewɔ fe blaene.

¹⁰ Eya ta medo dziku ɔe dzidzime ma ɲu, eye megbɔ be,

‘Wofe dziwo tra mɔ ɣe sia ɣi,

eye womenya nye mowo o!’

¹¹ Eya ta le nye dziku me la, meka atam gbɔ be, ‘Womage ɔe nye dzudzɔfe la me gbede o.’ ”

¹² Nɔvinyewo, mikpɔ egbɔ be dzi si me nu vɔ le kple dzi maxɔse si trɔna le Mawu gbagbe la yome la naganɔ mia dometɔ adẹke si o. ¹³ Ke mide dzi fo na mia nɔewo gbe sia gbe, zi ale si ɣeyiɣi li, ale be mia dometɔ adẹke fe dzi maku atri to nu vɔ fe beble me o. ¹⁴ Ɖe miéva be miákpɔ gome

le Kristo me, nenybe be míelé dzidefo si le mía si le gomedzedzea me la me ɔe asi sesíe ko. ¹⁵ Abe ale si mawunya gblɔe do ngo fifia ene be, “Egbe ne miese efe gbe la,

migasẽ miafe dziwo me abe ale si miewɔ le miafe aglãdzedze la me ene o.”

¹⁶ Ame kawoe nye ame siwo se nya la, eye wodze aglã? Ɖe menye woawoe nye ame siwo katã Mose kplɔ do goe tso Egipte lae oa? ¹⁷ Eye ame kawo nɔe wòdo dziku ɔo hena fe blaene sɔn? Ɖe menye ame siwo wɔ nu vɔ, eye wofe nɔtilã kukuwo tsi gbea dzi lae oa? ¹⁸ Eye ame kawoe Mawu ka atam na be womage ɔe yefe dzudzɔfe la me gbede o, ne menye ame siwo sɛ to lae oa? ¹⁹ Ale míekpɔe kɔtɛe be womete nɔ ge ɔe dzudzɔfe la me o le wofe dzimaxɔse ta.

4

Dzudzɔ si nɔgbe wodo na Mawu fe amewo

¹ Eya ta esi efe dzudzɔmeyiyi fe nɔgbedodo gali na mí ta la, mina míakpɔ nyuie be metsi mía dometɔ aɔeke nu o. ² Elabena wogblɔ nyanyui la na mí abe ale si wogblɔe na woawo hã ene. Gake nya si wose la, meɔe vi na wo o, elabena ame siwo see la mexɔe se o. ³ Azɔ mí ame siwo xɔe se la ge ɔe dzudzɔ ma me abe ale si Mawu nɔto gblɔe ene be,

“Eya ta meka atam le nye dziku me be,

womage ɔe nye dzudzɔfe la me gbede o.”

Ke hã la, ewu efe ɔo la nu tso xexea me fe gomedzedzea me ke. ⁴ Elabena efo nu tso nɔkeke adrea gbe nɔ le tefe aɔe gblɔ be, “Eye le nɔkeke

adrelia gbe la, Mawu dzudzɔ edokui tso efe dɔwɔnawo katã me.” ⁵ Le nya sia ke me la, egagblɔ be “Womage de nye dzudzɔfe la me gbede o.” ⁶ Edze fãa be ame adewo age de dzudzɔ ma me godoo, gake ame siwo wogblɔ nyanyui la na do ngo la mete nu ge de eme o le wofe tosesẽ ta. ⁷ Eya ta Mawu gaɔo nkeke bubu anyi si woyo be “Egbe.” Ewo esia le xeyixi gedede megbe esi wofo nu na David abe ale si miegblɔe va yi ene be,

“Egbe ne miese efe gbe la,
migasẽ miafe dzi me o.”

⁸ Elabena nenyede Yosua kplo wo yi dzudzɔ la mee la, anye ne Mawu magafo nu tso nkeke bubu adeke nu emegbe o. ⁹ Ekema dzudzɔ si woyona be Dzudzɔgbe dzudzɔ la li godoo na Mawu fe amewo. ¹⁰ Ame sia ame si ge de Mawu fe dzudzɔ la me la dzudzɔna tso eya nutɔ fe dɔwɔwɔwo me abe ale si Mawu hã dzudzɔe ene. ¹¹ Eya ta mina miadze agbagba de sia de be miage de dzudzɔ ma me, eye be ame adeke magatsi mota to tomaɔomaɔo me abe ngodoawo ene o.

¹² Elabena Mawu fe nya la le agbe le dɔ wom. Edana wu he nuevee de sia de, efona de ame yina de eme ke, hema luɔ kple gbɔgbɔ me, maa funukpefewo kple futomemiwo dome, eye wɔdrɔa ɔnu tamesusuwo kple dzimedidiwo. ¹³ Naneke mele nuwɔwɔ blibo la me si le xaxla de Mawu o. Woklo nu le nu sia nu dzi, eye wole fefle le Mawu, ame si miava na akontae la fe nkume.

Yesu, míafe Osɔfogã si fo anyigbadzitowo katã ta

¹⁴ Eya ta esi nunɔlagã, Mawu Vi Yesu le mía si, ame si yi dzifo ta la, mina míalé xɔse si me míebu la me ɔe asi sesĩe. ¹⁵ Elabena menye nunɔlagã si mate ɲu ase veve kp̄li mí le míafe gbɔdzɔgbɔdzowo me lae le mía si o, ke boɲ nunɔlagã si le mía si la, wotee kp̄o le mɔ sia mɔ nu abe míawo ke ene, ɔekoe nu v̄o mele eya ɲu o. ¹⁶ Eya ta mina míate va Mawu fe amenuveve fiazikpui la gbɔ kple dzidefo, be wòakp̄o nublanui na mí, eye wòave mía nu akpe ɔe mía ɲu le míafe xaxaxiwo.

5

¹ Wotiaa nunɔlagã ɔe sia ɔe tso amegbetowo dome, eye wodea ɔo asi ne be wòanɔ ɲɔ na yewo le mawusubɔsubɔ fe nyawo me, eye wòatsɔ nunanawo kple nu v̄o ɲuti vɔsawo aɔo Mawu ɲkume. ² Nunɔlagã sia tea ɲu gbɔa dzi ɔi na numanyala siwo le mɔ tram la esi eya ɲuto hã nye gbɔdzɔgbɔdzoto le mɔ geɔewo nu. ³ Esia tae wòle be wòasa vɔ ɔe eya ɲuto fe nu v̄o kple ame bubuwo fe nu v̄owo ta.

⁴ Ame aɔeke metsɔa bubu sia dea eɔokui ɲuti o; ele be Mawu nayɔe abe ale si wòyɔ Aron ene.

⁵ Eya ta Kristo hã metso nunɔlagã fe ɲutikɔkɔe da ɔe eɔokui dzi o ke boɲ Mawu gblo ne be,

“Wòe nye vinye ɲutsu,
egbe mezu fofowò.”

⁶ Egagblo le tefe bubu be,

“Enye nunɔla tegbetegbe,
eye wò ɔofe sɔ kple Melkizedek tɔ.”

⁷ Esi Yesu nɔ agbe le anyigba dzi la, ewo gbedododowo kple kukudedewo kple xli kple adatsi na eya ame si si nusẽ le be wòadɛe tso ku me, eye wòdo toe le efe bubu kple dokuibobo ta. ⁸ Togbo be eyae nye Mawu vi hã la, esrɔ dokuibobo le fukpekpe siwo me wòto, ⁹ eye esi wowɔe blibo la, eva zu dɛɛ mavo kpɔtsofe na ame siwo katã doa toe. ¹⁰ Eye Mawu dɔe be wòanye nunɔlagã abe Melkizedek ene.

Nuxɔxlɔ amewo le megbedede nɔti

¹¹ Nya gedewo li si wòle be míagblo le nu sia nu, gake esi mietea nu sea nu gɔme kabakaba o ta la, esesẽna be míadɛ nya siawo me na mi. ¹² Le nyatefe me la, togbo be fifia ele be mianye nufialawo hã la, miegahiã ame adɛ kokoko be wòagagbugbo afia gɔmedzenuwo mi tso Mawu fe nya fe nyatefewo nu. Miehiã notsi, ke menye nuɖuɖu sesẽ o! ¹³ Ame sia ame si ganoa notsi esi wònye dɛvi ko ta la, mate nu ase nufiafia tso dzɔdzɔenyenye nɔti gɔme o. ¹⁴ Ke nuɖuɖu sesẽ nye ame tsitsiwo to, ame siwo to enudɔwɔwɔ atradii me he wo dokuwo be woate nu ade vovototo nyui kple vɔ dome.

6

¹ Eya ta mina míadɛ asi le gɔmedzenuwo fiafia tso Kristo nɔti nu, eye míadɛ zo ayi dɛ tsitsi dɛ edzi me. Migana míagbugbo gɔmedokpe adɔ na dzimetɔtrɔ tso nu siwo kplɔa ame yia ku me alo míagbugbo gɔmedokpe adɔ na xɔse le Mawu me, ² nufiafia tso mawutsideta nu, asidada dɛ ame dzi, ame kukuwo fe tsitretsitsi

kple ɔnɔdɔdrɔ̃ mavɔ ɲuti o. ³ Esia míawɔ ne Mawu lɔ̃.

⁴ Ke ame siwo dze anyi la, aleke woawɔ agbugbɔ wo va dzimetɔtrɔ me? Wonye ame siwo nɔ Mawu fe kekeli me kpɔ. Wodɔ dzifo fe nunana kpɔ, eye wokpɔ gome hã le Gbɔgbɔ Kɔkɔe la me, ⁵ ame siawo dɔ Mawu fe nya la fe nyonyo kple ɲusẽ siwo le xexe si gbɔna la me hã kpɔ. ⁶ Ke wode megbe! Be woagbugbɔ wo ava dzimetɔtrɔ mee la nye nu sesẽ, elabena to wofe megbedede me, wogbugbɔ Mawu fe Vi la gale kaklãm de ati ɲuti, eye wole ɲukpe domii le gaglãgbe.

⁷ Anyigba si noa tsi si dzana de edzi zi gedɛ, eye wɔwɔa nuku nyuie na agbledela siwo ɲlɔa anyigba la xɔa yayra tso Mawu gbɔ. ⁸ Ke ne anyigba la mie ɲuwo kple aɲokawo la, meganyo na naneke o, eye ɲɔdzi li be ele fifode te. Mlɔeba la, woato dzoe.

⁹ Nɔvi lɔlɔawo, togbɔ be míele nu fom alea hã la, kakaqedzi le mía si be nya siawo meku de mia ɲu o. Ke bon miafe dedekpɔkpɔ le ku nyuiwo tsem le miafe agbe me. ¹⁰ Mawu menye nutefemawɔla o, eya ta manlɔ dɔ nyui si míewɔ nɛ kple lɔlɔ si míede fiae be míekpe de efe ame kɔkɔewo ɲu eye míegale nu siawo wɔm fifia la be gbede o. ¹¹ Enye míafe didi be mia dometo de sia de nalé nu siawo wɔwɔ me de asi va se de nuwuwu kple ɲkubiã, ale be miafe mɔkpɔkpɔ nade blibo. ¹² Míedi be ame aɔeke nazu kuviato o, ke bon ame sia ame nasrɔ̃ ame siwo to xɔse kple dzigbɔɔi me nyi nu si ɲugbe wodo na wo la fe dome fe kpɔɔɲu.

¹³ Esi Mawu do ñugbe na Abraham, eye ame aḍeke meli lolo wui wòayɔ aka atam o ta la, eta eya ñuto ɗokui, ¹⁴ hegblo be, “Mayra wò godoo, eye mana dzidzimevi geḍewo wò.” ¹⁵ Ale, esime Abraham gbo dzi ɗi blewuu la, ñugbedodo sia va eme ne pεpεε.

¹⁶ Ne ame aḍe be yeaka atam la, eya ame bubu si fe ñko kple ñusẽ ko wu eya ñuto to la ka atam lae heḍoa kpe nya si wògblo la dzi, eye wòtsia nyaviɔli ɗe sia ɗe nu. ¹⁷ Esi wònye be Mawu di be yeana eme nako nyuie na ñugbedodo fe domenyilawo be nu si fe ñugbe yedo matrɔ o ta la, eka atam tso ɗo kpe efe ñugbedodo la dzi. ¹⁸ Mawu wo esia, ale be to nu eve siwo metrɔna o, esiwo me Mawu mate ñu aka avatso le gbeḍe o la dzi, mí ame siwo si yi ɗaku ɗe mɔkpɔkpɔ si wona mí la ñu la nakpo dzidefo gã aḍe. ¹⁹ Mɔkpɔkpɔ sia le mia si abe luɔ fe seke sesẽ si mavã akpo o la ene. Etea ñu gena ɗe kɔkɔefe le xometsovo la godo, ²⁰ afi si Yesu ame si do ñgo na mí la ge ɗo ɗe mía nu. Eya va zu nunɔlagã abe Melkizedek ene tegbee.

7

Osɔfoga Melkizedek

¹ Melkizedek sia nye Salem fia kple nunɔlagã na Mawu, Dzifouito la. Esi Abraham tro tso avagbedzi, afi si wòɗu fia geḍewo dzi le gbɔna la, Melkizedek va kpee, eye wòyrae. ² Le esia megbe la, Abraham tso nu siwo katã wòtso tso avagbedzi gbɔe la fe ewolia ne. Melkizedek fe ñkoa gomee nye “Dzɔdzɔenyenye fe fia.” Eye

eya kee nye N̄utifafafia, elabena du si me w̄onye fia lee nye Salem si gomee nye “N̄utifafa.” ³ Fofu kple dada mele Melkizedek si o, eye nunl̄oḍi aḍeke meli tso togbuiawo ṣuti o. Dzigbe alo kugbe meli n̄e o, ale efe agbe ḍeko w̄ole abe Mawu Vi la to ene, ame si nye nunla tso mavo me yi ḍe mavo me.

⁴ Mibu ale si w̄onye ḡae la ṣuti kp̄o. Abraham, x̄oṣetowo fofu ḡo h̄a tso efe afunynuwo fe ewolia n̄e! ⁵ Az̄o la, se la bia tso Levi fe viwo ame siwo nye nunlawo la si be woax̄o nu ewolia le wofe dukomeviwo si, ame siwo nye wo n̄oviwo, togb̄o be wo n̄oviawo nye Abraham fe dzidzimeviwo h̄a. ⁶ Ke ṣutsu sia, Melkizedek, menye Levi fe dzidzimevi o, ke h̄a la, ex̄o nu ewolia le Abraham si, eye w̄oyra eya ame si x̄o Mawu fe ṣugbedodoawo ⁷ abe ale si ame sia ame nya ene la, zi geḍe la, ame si naa yayra la k̄ona wua ame si yram w̄ole. ⁸ Ame siwo nye nunlawo esi wox̄o nu ewolia la nye amegbetowo; ṣutil̄a kple uu si kuna. Ke hena Melkizedek ya la, wogbl̄o le eṣuti be egale agbe. ⁹ Miate ṣu agbl̄o le Levi, ame si x̄o nu ewolia ṣuti ḡo h̄a be exe nu ewolia to Abraham dzi, ¹⁰ elabena esi Melkizedek do go Abraham la, Levi n̄o togbuia, Abraham fe alime; womekp̄o dzii o.

Yesu le abe Melkizedek ene

¹¹ Elabena to Levi fe viwo fe nunlad̄ow̄ow̄o dzi, wona se la Israelviwo. Az̄o la, nenyẽ be Leviviwo fe nunlad̄ow̄ow̄o ḍe w̄ode blibo la, magahiã be woats̄o nunla bubu v̄e o, ame si nye nunla le Melkizedek fe ḍoḍo nu, ke menye

le Aron fe ɔɔɔ nu o. ¹² Elabena ne tɔtrɔ va nunɔladuɔu ɲuti la, ele be tɔtrɔ nava Se la hã me. ¹³ Eya ame si ɲu wogblo nu siawo katã le la tso to bubu me, eye ame aɔeke metso to ma me kpɔ subɔ abe nunɔla ene le vɔsamlekpui la ɲɔɔ o, ¹⁴ elabena eme kɔ fãa be míafe Afeto la dzɔ tso Yuda fe to la me, eye ku ɔe to ma ɲuti la, Mose megblo nya aɔeke ku ɔe wofe nunɔladuɔu ɲuti o. ¹⁵ Eye nu si miégblo la, me agako ɔe edzi wu ne nunɔla bubu abe Melkizedek ene va ɔo, ¹⁶ ame si va zu nunɔla, menye to ɔɔɔ si wowɔ da ɔi ku ɔe efe dzɔtsofe ɲuti o, ke boɲ ku ɔe ɲusẽ si le agbe si mekuna o la ɲuti. ¹⁷ Psalmonɲlola ɔe nu sia fia mi kɔtɛe esi wògblo tso Kristo ɲuti bena,

“Wòe nye nunɔla le Melkizedek fe
ɔofe nu tso mavɔ me yi mavɔ me.”

¹⁸ Wotsɔ ɔɔɔ gbãto si wowɔ la da ɔe aga, elabena egbɔdzɔ, eye menyo na naneke o ¹⁹ (elabena Mose fe Se la mate ɲu awɔ naneke wòade blibo o), eye azɔ la, wohe mɔkpɔkpɔ yeye vɛ to esi dzi míaate ɲu ate ɔe Mawu ɲu kpokploe.

²⁰ Mawu fe atamkaka kpe ɔe esiwɔ katã ɲu, ke ame bubuwo ya ɔua nunɔla atamkaka-manɔmee, ²¹ ke Yesu ya ɔu nunɔla to Mawu fe atamkaka me, elabena Mawu gblo ne bena,

“Afeto la ka atam,
eye matrɔ efe susu o,
‘Wò la, nunɔlae nènye tegbetegbe.’”

²² Le atamkaka sia ta la, Yesu va zu nubabla si nyo wu sãa la fe kpeɔodzinu.

²³ Vovototo bubu si le nunɔla mawo kple Yesu domee nye be nunɔla mawo sɔ gbo, elabena

woku eye womagate ɲu ayi wofe dɔ dzi o, ²⁴ gake Yesu ya le agbe tegbetegbe. Sedofe meli na eya fe nunɔladdɔ o. ²⁵ Eya ta ɲusẽ le esi be wòadɛ ame siwo va Mawu gbɔ to eya amea dzi la blibo, elabena ele agbe tegbee le nya xɔm dɛ ako na wo.

²⁶ Ekema Yesue nye nunɔlagã ma si kpɔa mía fe hiahiãwo gbɔ, ame si le kɔkɔe, kpɔtsɔtsɔ mele enu o, ame si le dzadzɛe, ame si woɛ dɛ aga tso nu vɔ wɔlawo gbɔ, eye wokɔe dɛ dzi gbɔ dzifowo ɲui. ²⁷ Mele abe nunɔlagã bubuwo ene o, elabena mehiã be wòasa vɔ gbe sia gbe, gbã dɛ eya ɲuto fe nu vɔwo ta, eye evelia, dɛ ame bubuwo to ta o. Esa vɔ dɛ wofe nu vɔwo ta zi dɛka hena ɣeyixiawo katã, esi wòtsɔ edokui hena. ²⁸ Elabena Mose fe Se la to asi ame siwo nye gbɔdzɔgbɔdzɔtɔwo la dzi be woanye nunɔlagãwo, ke Mawu fe atamkaka si va dɛ se la yome la to asi Via dzi, ame si wòwo wòde blibo tegbetegbe.

8

Nubabla yeye la fe nunɔlagã

¹ Nya siwo katã miɛgbɔ na mi la fe tafonyae nye esi: be nunɔlagã vavã le mía si. Azɔ la, ele dzifo eye wòno anyi dɛ bubutefe gãto kekeake, ² eyae subɔna le gbedoxɔ kple agbadɔ vavãto si le dzifo la me. Gbedoxɔ sia menye esi amegbetɔ tso efe asi tui o, ke boɲ Afetɔ la ɲutɔe tui.

³ Esi wònye nunɔlagã dɛ sia dɛ fe dɔ be wòasa vɔ, eye wòana nuwo la, ele na Kristo hã be wòana nane. ⁴ Nenyɛ dɛ wòle anyigba dzi la,

maḍu nunḱla o elabena nunḱlawo li xoxo, ame siwo tsoa nunanawo nana le Yudatḱwo fe se la nu. ⁵ Nunḱla siawo subḱna le kḱkḱefe la si nye esi le dzifo la fe vḱvḱli. Esia tae, esi Mose be yeatu Agbadḱ le gbea dzi la, Mawu xlḱ nui be, “Kpḱ egbḱ be nàwḱ nu sia nu ḱe ḱḱḱo si woḱe fia wḱ le toa dzi la nu.” ⁶ Ke nunḱladḱ si woḱe asi na Yesu la kḱ sãa wu wo tḱ, eye abe ale si nubabla si fe avuléla wḱnye la kḱ wu xoxotḱ sãa ene la, nenema kee woḱe anyi ḱe ḱugbedodo siwo nyo wu tsãtḱwo la dzi.

⁷ Elabena nenyē ḱe naneke meḱblē le nubabla gbãtḱ ḱu o la, anye ne wometsḱ nubabla bubu ḱḱlii o. ⁸ Ke Mawu ḱuto kpḱ vodada le efe dukḱ la ḱu, eye wḱgbḱ be,

“Afetḱ la be ḱeke li gbḱna
esi dzi mabla nu yeye
kple Israel

kple Yuda fe afewo.

⁹ Manḱ abe nu si mebla
kple wo fofowo esi melé woḱe alḱnu,
kplḱ wo do goe le Egiptenyigba la ene o,
elabena womewḱ nutefe le nu si mebla kpli
wo la me o,
eya ta nye hã metḱ megbe de wo.

Afetḱ lae gblḱe.

¹⁰ Azḱ la esiae nye nu si mabla kple Israel fe afe
la,

le ḱeke siwo gbḱna la me. Afetḱ lae gblḱe.

Matsḱ nye sewo ade woḱe susuwo me,

eye manḱ wo ḱe woḱe dziwo ḱu.

Manye woḱe Mawu, eye woawo hã woanye nye
duko.

- 11 Ame aḍeke magafia nu ehavia alo afia nu nṳvia
 ṅutsu agblṳ be,
 ‘Dze si Afetṳ la’ o,
 elabena wo katā woanyam tso ḍeviwo dzi,
 va se ḍe tsitsiawo dzi.
- 12 Matsṳ wofe nu vṳḍi wṳwṳwo ake wo,
 eye nyemagadṳ ṅku wofe nu vṳwo dzi o.”
- 13 Ke esi Mawu yṳ nubabla sia be “yeye” la,
 ewṳ gbātṳ wṳdo xoxo, eye nu si tsi, do xoxo la
 nu ava yi kpuie.

9

Subṳsubṳ le anyigbadzigbadṳ la me

- 1 Azṳ la, nubabla gbātṳ ḍṳ ḍṳḍowo anyi na
 subṳsubṳ, eye wotu anyigba dzi kṳkṳefe hā.
- 2 Wotu Agbadṳ; le Agbadṳ la fe xṳ gbātṳ me
 la, akaditi, kplṳ kple ṅkumedṳobolo nṳ anyi, eye
 woyṳ tefe sia be Kṳkṳefe. 3 Wotsṳ xṳmetsovṳ tso
 xṳ sia mee, eye woyṳ agbadṳ si le xṳmetsovṳa
 megbe la be, Kṳkṳefewo fe Kṳkṳefe. 4 Nu siwo
 le xṳ sia mee nye Sikavṳsamlekpuie kple aḍaka
 si woyṳna be nubablaḍaka. Wofa sika ḍe aḍaka
 sia ṅuti kpe ḍṳ. Le aḍaka sia me la, míakpṳ kpe
 eve siwo dzi wonṳ se ewoawo ḍṳ, eye sikazṳ
 si me mana le la hā le aḍaka la me hekpe ḍe
 Aron fe atikplṳ si fo se la ṅuti. 5 Nutikṳkṳṳe fe
 Kerubiwo nṳ nubablaḍaka la tame, eye wokeke
 wofe avalawo ḍe tefe si wotsṳa nu vṳ kena le.
 Ke míate ṅu adzro nya siawo me ayi edzi fifia o.
- 6 Ne nu sia nu sṳ gbe vṳ la, nunṳlawo gena
 ḍe xṳ ṅṳṳgbetṳ me ḍaa edzedzi, eye wowṳa
 mawusubṳsubṳṳ. 7 Ke nunṳlagā ḍeka koe gena

ḡe xō emetō me, eye wòwōa esia zi ḡeka ko le fe ḡeka me. Ne eyina la, megbea uutsōtsō ḡe asi o, vu si wòtsōna s̄āa vōe, ḡe eya ḡutō kple dukō la fe nu v̄ō siwo wowō le manyamanya me la ta. ⁸ Gbōgbō Kōkōe ḡee fia to esia dzi be womeklo nu le mō si yi Kōkōefe fe Kōkōefe la dzi haḡe o, zi ale si Agbadō gbātō la gale te nu ko. ⁹ Esiae nye nufiafia tso fifia fe ḡeyiḡiwo ḡuti, esi le asi tōm edzi be nunana kple v̄ōsa siwo wowōna na Mawu la mate ḡu aḡe v̄ō ḡa le ame si le subōsubō wōm la fe susu me o. ¹⁰ Wonye nuḡuḡu, nunono kple ḡutikōklō fe kōnu vovovowo ko fe nya, esiwo nye gotadzesiwo fe ḡoḡowo, esiwo nō anyi va se ḡe esime ḡoḡo yeyea va.

Kristo fe vu

¹¹ Esi Kristo va abe nu nyui siwo li xoxo fe nunōlagā ene la, eto agbadō si lolo hede blibo wu la me, agbadō si wometsō asi tui o alo míagblō be menye nuwōwō la fe akpa aḡe o. ¹² Mege ḡe Kōkōefewo fe Kōkōefe la me to gbōwo kple nyiviwo fe vu me o, ke boḡ ege ḡe Kōkōefewo fe Kōkōefe la me zi ḡeka h̄ō hena ḡeyiḡiwo katā to eya ḡutō fe vu me, esia me wòto xō ḡeḡe mavō na mí. ¹³ Nenyē be gbōwo kple nyitsuwo fe vu kple nyiviwo fe afi si wohlē ḡe ame siwo ḡuti mekō o la ḡu wōne be wofe ḡuti kōna le gotagome la, ¹⁴ ekema Kristo, ame si to Gbōgbō mavō la me tso eqokui na Mawu fōḡiḡimanōmee la fe vu aklō míafe dzitsinyawo ḡuti tso nu siwo hea ku vane la me wu, ale be míate ḡu asubō Mawu gbagbe la.

¹⁵ Le susu sia tae Kristo nye nubabla yeye la fe avuléla be ame siwo woyɔ la naxɔ domenyinyi mavɔ la fe nɔgbedodo. Azɔ la, eku be wòazu fexexe ɔ́e ame siwo wɔ nu vɔ̃ le nubabla xoxoa te la ta.

¹⁶ Afi si wonɔlɔ domenyigbalē da ɔ́i le la, ehiã be ame si nɔlɔ agbalē sia naku hafi, ¹⁷ elabena wowɔa domenyigbalēa me nyawo nɔti dɔ ne ame si nɔlɔe da ɔ́i la megava li o. Womewɔa domenyigbalē me nyawo nɔti dɔ ne ame si nɔlɔ agbalē la le agbe o. ¹⁸ Esia tae womewɔ nubabla gbãtɔ me nyawo dzi vumanɔmee o. ¹⁹ Esi Mose ɔ́e gbefã se ɔ́e sia ɔ́e si le segbalēa me na dukɔa la, etsɔ nyiviwo kple gbõtsuwo fe vu, tsi, ɔ́etifufu dzĩ kple kakle, eye wòtsɔe hlē vu ɔ́e segbalē kple dukɔ la katã nɔti. ²⁰ Tete wògbɔ be, “Esia nye nubabla la fe vu, nubabla si Mawu de se na mi be mialé ɔ́e asi.” ²¹ Nenema ke wòhlē vu ɔ́e agbadɔ la kple nu siwo katã nɔti dɔ wowɔna le subɔsubɔ me la nɔti. ²² Le nyatefe me la, se la bia be woakɔ nu sia nu kloee nɔti kple vu, eye ne womekɔ vu ɔ́i o la, nu vɔ̃ tsɔtsɔke manɔ anyi o.

²³ Eya ta ehiã kokoko be woakɔ nu siwo nye dzifonuwo fe vɔvɔli nɔti kple vɔsa siawo, gake woakɔ dzifonuawo nɔtɔ nɔ kple vɔsa siwo de nɔtɔ wu esiawo. ²⁴ Elabena Kristo meyi ɔ́e kɔkɔefe si wowɔ kple asi la me esi nye vavãtɔ fe vɔvɔli la me o, ke boɔ eyi ɔ́e dzifoto la nɔtɔ me afi si wòdo ɔ́e Mawu nɔkume le azɔ ɔ́e mía tefe ²⁵ Nenema ke meyi ɔ́e dzifo be wòatsɔ edokui ana zi geɔe abe ale si nunɔlagã la gena ɔ́e Kɔkɔefe fe Kɔkɔefe la fe sia fe kple vu si menye eya nɔtɔ tɔ o la ene o. ²⁶ Ne ele alea la, ele na

Kristo be wòatsɔ edokui ana fukpekpe zi geɖe tso esime ke woɖo xexea me gɔme anyi, gake azo la, eva zi ɖeka hena ɣeyiɣiwo katã le ɣeyiɣi siawo fe nuwuwu be wòadɛ nu vɔ̃ ɖa to edokui tsotsɔ sa vɔe me. ²⁷ Abe ale si woɖoe na ame be wòaku zi ɖeka, eye le esia megbe wòadze ηγɔ vɔnudɔdrɔ̃ ene la, ²⁸ nenema ke wotsɔ Kristo hã sa vɔe zi ɖeka be wòadɛ ame geɖewo fe nu vɔ̃ ɖa, eye agava zi evelia menye be wòagava ɖe nu vɔ̃ ɖa o ke boɲ be wòahɛ ɖeɖe vɛ na ame siwo katã le elalam.

10

Kristo fe vɔsa ɖeka la hena ɣeyiɣiwo katã

¹ Se la nye nu nyui siwo gbɔna la fe vɔvɔli ko, eye menye nua ηutɔwo o. Le susu sia ta la, vɔsa siwo wowɔna agbadree fe sia fe la mate ηu awɔ ame siwo va subɔnɛ la blibo gbɛɖe o. ² Ne ɖe vɔsa mawo te ηu wo wo blibo la, ne womedzudzo vɔsasa oa? Elabena anye ne vɔsa la ko ame siwo sanɛ la ηuti zi ɖeka hena ɣeyiɣiawo katã, eye woƒe dzitsinyawo magabu ƒɔ wo le woƒe nu vɔ̃wo ta o. ³ Ke vɔsa mawo ɖoa ηku nu vɔ̃ dzi na amawo fe sia fe, ⁴ elabena mele bobɔe be nyitsuwo kple gbɔ̃wo fe bu naɖe nu vɔ̃ ɖa o.

⁵ Eya ta esi Kristo va xexea me la, egblɔ be:
 “Mèdi vɔsa kple numemewo o,

ke boɲ ηutilã si nɛdzra ɖo ɖi nam;

⁶ eye numevɔsa kple nu vɔ̃ vɔsawo hã medzea ηuwò o.

⁷ Tete megblo be, ‘Nyee nye esi,
 wonlo nu tso ηutinye le lãgbalẽ me be,

o Mawu, meva be mawo wò lólõnu.' ”

⁸ Gbã la, egblò be, “Vòsawo, numemewo kple numevòsawo kple nu vò vòsawo la, mèdi wo o, eye womedzea ñuwò hã o.” Togbo be se la bia be woawo wo hã. ⁹ Tete wògblò be, “Nyee nye esi, meva be mawo wò lólõnu.” Ale wòde se gbãto la ña be wòado evelia anyi. ¹⁰ Eye to Mawu fe lólõnuwowo me wowo mí kòkòe to Yesu Kristo fe ñutilã si wòtso sa vòe hena ñeyiñiwo katã la me.

¹¹ Nunola la woa efe vòsasadowo gbe sia gbe, eye nenema ke wòwo vòsa mawo ke edziedzi, vòsa siwo mate ñu ađe nu vò ña akpo gbede o.

¹² Ke esi nunola sia ya sa vò de nu vòwo ta zi deka hena ñeyiñiwo katã la eyi ñano Mawu fe nuɖusime. ¹³ Tso xe ma xi la, ele lalam be woatso efe futowo awo efe afòdòdzinui. ¹⁴ Elabena to vòsa deka si wòwo me la, ewo ame siwo ñuti kòm wòle la blibo tegbetegbe le Mawu fe ñkume.

¹⁵ Gbògbo Kòkòe hã ñi ñase tso esia ñuti; gbã la egblò be,

¹⁶ “Esia nye nu si mabla kpili wo le ñeyiñi ma megbe,

Yehowae gblòe.

Matsò nye sewo ade wofo dziwo me,
eye manlò wo de wofo susuwo me.”

¹⁷ Egagblò kpe de enu be,

“Nyemagado ñku wofo nu vòwo
kple nu vòdji wòwòwo dzi azo o.”

¹⁸ Eye afi si wòtso nu siawo ke le la, vòsasa de nu vò ta megahiã o.

Yoyò hena vevidodo nu

19 Eya ta nɔvi lɔlɔwo, esime kakaɖedzi le mía si be miage ɖe Kɔkɔefe fe Kɔkɔefe la to Yesu fe ɔu me ɲuti la, 20 ɔvu mɔ yeye kple mɔ gbagbe na mí to xɔmetsovɔ si nye efe ɲutilã la me. 21 Eye esi nunɔlagã le mía si le Mawu fe afe nu ta la, 22 mina míaɛ ɖe Mawu ɲu le dzi vavã me kple xɔse fe kakaɖedzi blibo la me kple dzi siwo ɲu wohlẽ ɔu ɖo be wòaklɔ mía ɲuti tso dzitsinya vɔɖiwo me, eye wòale tsi na mía fe ɲutilãwo kple tsi zɔzrɔe. 23 Mina mía lé mɔkpɔkpɔ si me mía ɔvu la me ɖe asi mavamavãe, elabena ame si do ɲugbea la nye nutefewɔla. 24 Eye mina mía bu ale si mía do ɲusẽ mía nɔewo la ɲuti be woayi dzi le lɔlɔ kple do nyui wɔwɔ me. 25 Migana mía gbɔdzɔ le mía fe takpewo dede me o, abe ale si ame aɖewo tsɔe ɖo dɔe nɔa kuvia wɔm ene o, ke boɲ mina mía de dzi fo na mía nɔewo, vevieto esi mienyae be efe ɲekeke la te tu afe kpokploe.

26 Ne mía bua le nu vɔ wɔwɔ dzi, esi mía nya nyatefe la vɔ megbe la, vɔsasa ɖe nu vɔwo ta aɖeke megali o, 27 ke nu si ko mía nɔ mɔ kpɔm na le ɲɔdzi gã aɖe me lae nye ɔnudɔdrɔ kple dzo bibi si ava fia Mawu fe futowo. 28 Ame sia ame si ada le Mose fe se dzi la, wofua kpee nublanuimakpɔmakpɔtɔe le ɖasedila eve alo etɔ fe nya nu. 29 Tohehe gã kae miesusu be mehedze na ame si titi afo ɖe Mawu fe Vi la dzi oa? Ame si do ɲunyo nubabla la fe ɔu si klo ɛɲuti la abe nu makɔmakɔ wònye ene, eye wòdzu amenuveve fe Gbɔgbɔ la? 30 Elabena mía nya ame si gbɔ be, “Hlɔbiabia la tonyee, maɖo etefe ne,” egagblo hã

be, “Afeto la adrõ vɔnu efe dukɔ la.” ³¹ Enye ñɔdzinu be ame aɔe nage ɔe Mawu gbagbe la fe asi me.

³² Miɔo ñku ñkeke siwo do ñgɔ la dzi esi miexɔ kekeli la vɔ la, mienɔ te sesie to vibli gedewo me, mieto fukpekpe hã me kalêtɔe. ³³ Ye aɔewo xi la wodzua mi le dutofo, eye wotia mia yome, xe bubu xiwo la, mienɔ te kpe ɔe ame siwo nɔ xaxa mawo ke me la ñuti. ³⁴ Miefakonyi kple ame siwo wode gaxɔ me, eye esi woxɔ miafe nunɔamesiwo le mia si akpasesêtɔe la, miexɔe kple dzidzɔ, elabena miawo ñuto mienyae be nunɔamesi siwo nyo sãa wu, eye womenyunyɔna o la le mia si.

³⁵ Eya ta dzi megade le mia fo o, elabena miafe dzidefo ahe fetu geɔe ve na mi. ³⁶ Ele be miado vevie, ale be ne miewɔ Mawu fe lolõnu la, miawo nu si fe ñugbe wòdo la. ³⁷ Elabena le xeyixi kpui aɔe megbe la,

“Ame si gbɔna la ava ɔo,
eye matsi megbe o.

³⁸ Ke nye dzɔdzɔeto la anɔ agbe to xɔse me.
Ke ne ede megbe la,
nyemakpɔ dzidzɔ le enjuti o.”

³⁹ Ke miawo ya miele abe ame siwo de megbe, eye wotsrõ la ene o, ke boñ mienye ame siwo xɔse, eye miekpɔ ɔeɔe.

11

To xɔse me

¹ Azɔ la, xɔse nye kaka ɔe nu siwo miekpɔ mo na la dzi kple dzidɔɔo ɔe nu siwo miekpɔ o la ñu.

² To xɔse mee ame siwo do ɲɔ la kpɔ ɔasedɔɔɔ nyui le Mawu gbɔ.

³ To xɔse me miɛse egɔme be Mawu ɔe gbe, eye xexea me va dzɔ, ale be wòwɔ nu si wokpɔna la tso nu si womekpɔna o la me.

⁴ To xɔse me Abel tso vɔsasa si nyo wu Kain tɔ la na Mawu. To xɔse me wokafui be enye ame dzɔdzɔe esi Mawu fo nu nyui tso efe vɔsa la ɲu. To xɔse me wògale nu fom ko, togbɔ be eku hã.

⁵ To xɔse me wokɔ Enɔk dzoe tso agbe sia me, ale be meɔɔ ku kpɔ o, ale womegakpɔe o, elabena Mawu kɔe dzoe. Elabena hafi woakɔe dzoe la, wogblɔ tso enu be Mawu kpɔ ɲudzedze le eya amea ɲuti. ⁶ Xɔse manɔmee la ame aɔeke mate ɲu adze Mawu ɲu o, elabena ame si va Mawu gbɔ la ele be wòaxɔe se be Mawu li eye wòɔa etefe na ame siwo dine vevie.

⁷ To xɔse me esi woxlɔ nu Noa tso nu siwo mekpɔ dzɔ haɔe o ɲuti la etsɔ vɔvɔ kɔkɔe kpa aɔakavɔ be wòade eya kple efe fomea. To efe xɔse me wòbu fo xexea me, eye wòzu dzɔdzɔenyenye si vana to xɔse me la fe domenyila.

⁸ To xɔse me esi woyɔ Abraham be wòayi tefe si wòava xɔ wòazu efe domenyinu la, eɔ to, eye wòyi, togbɔ be menya afi si yim wòno o hã.

⁹ To xɔse me ewɔ nɔfe ɔe ɲugbedodonyigba la dzi, eye wòno afi ma abe amedzro si le dzronyigba dzi la ene, elabena enɔ avɔgbadɔwo me. Nenema kee nye Isak kple Yakob ame siwo hã nye ɲugbedodo ma ke fe domenyilawo kplii.

¹⁰ Elabena Abraham nɔ mɔ kpɔm na du si Mawu ɲuto nye egɔmedɔla, aɔaɲuwɔla kple etula.

¹¹ To xɔse me esi Abraham tsi xɔ fe geɖe hã la, ete ɲu dzi Vi. Nenema kee nye srɔ̄a Sara hã, ame si tsi ko tsã. To xɔse me Abraham zu fofo, elabena Mawu ame si do ɲugbe ne la, bui nutefewɔlae. ¹² Ale to ame ɖeka sia dzi, ame si ɲu míate ɲu agblɔ le be megale ɲutsu me o la, dzidzime geɖe siwo sɔ gbɔ abe ɣletiviwo le dziɲgɔli ɲu kple futake ene la va dzɔ.

¹³ Ame siawo katã va ku esime wogalé xɔse me ɖe asi ko. Womexɔ nu siwo fe ɲugbe wodo na wo la o, ɖeko wokpɔ wo, do dzaa na wo le adzɔge, eye wovu eme be amedzrowo kple mɔzɔlawo yewonye le anyigba dzi le afii. ¹⁴ Ame siwo gbɔ nya siawo togbi la ɖee fia be wole woawo ɲuto fe dedu dim. ¹⁵ Nenyɛ be du si me wotso la ɲuti bum wonɔ la, anye ne mɔnukpɔkpɔ anɔ wo si be woatrɔ ayi. ¹⁶ Le esia tefe la, wole du si nyo wu esi nye dzifoto la dim. Eya ta menye ɲukpe na Mawu be woayɔe be woƒe Mawu o, elabena edzra du nyui aɖe ɖo ɖi na wo.

¹⁷ To xɔse me esi Mawu do Abraham kpɔ la, etsɔ via Isak be yeasa vɔe, eya ame si xɔ ɲugbedodoawo la nɔ klalo be yeatsɔ Via ɲutsuvi ɖeka hɔ̄ɔ la asa vɔe, ¹⁸ togbɔ be Mawu gbɔ ne be, “To Isak dzi la, dzidzimevi siwo katã fe ɲugbe wodo na wò la ava dzɔ” hã. ¹⁹ Abraham dze sii be Mawu ate ɲu afo ame kukuwo ɖe tsitre, eye woate ɲu agblɔe ko be exɔ Isak tso ku me.

²⁰ To xɔse me Isak yra Yakob kple Esau, ku ɖe nu si woava nye le etsɔ me ɲuti.

²¹ To xɔse me Yakob yra Yosef viɲutsuwo le esime efe kuɣi ɖo, eye wòziɔ ɖe efe atitɔɖeɲu ɲuti hesubɔ Mawu.

²² To xɔse me esime Yosef fe kuɣi ɔo la, efo nu tso Israelviwo fe gododo le Egipte ɲuti, eye wògblo ɔoɔo tso efe fuwo ɲuti na wo.

²³ To xɔse me Mose dzilawo ɣlae ɣleti etõ son le edzidzi vɔ meɣbe, elabena wokpɔe dze sii be menye vidzĩ dzodzro aɔe koe wònye o, eya ta womevõ na fia la fe se dzi dada o.

²⁴ To xɔse me esi Mose va tsi la, egbe be womayo ye be Farao vinyɔnu fe viɲutsu o ²⁵ ke boɲ elõ be yeakpe fu kple Mawu fe amewo wu be yease nu võ fe vivi hena ɣeyiɣi kpui aɔe ko. ²⁶ Ebu vlododo le “Kristo” ta nu xɔasi wu kesinɔnu siwo katã nɔ Egipte, elabena eno mo kpɔm na efe fetu gã si nɔ ɲɔɔɣbe. ²⁷ To xɔse me Mose dzo le Egipte, eye mevõ na fia la fe dziku o, ke boɲ edo vevi nu, elabena ekpɔ eya ame si womekpɔna kple ɲku o. ²⁸ To xɔse me Mose ɔo ɲutitotoɲkekenyui kple vuhehlẽ ɔi anyi, ale be nugblẽla si wu ɲɔɔɣbeviwo la maka asi Israelviwo fe ɲɔɔɣbeviwo ɲu o.

²⁹ To xɔse me Israelviwo tso Fu Dzĩ la abe anyigba fufui dzie wozɔ ene, gake esi Egiptetɔwo hã dze agbagba be yewoawɔ nenema la, wo katã tsi Fu Dzĩ la me.

³⁰ To xɔse me Yeriko fe gliwo mu esi Israelviwo fo xlãe ɲkeke adre.

³¹ To xɔse me gbolo Rahab, esi wòxɔ ɲkutsalawo ta la, womewui kpe ɔe tosẽlawo ɲuti o.

³² Ɖe wògahiã be mayi edzia? Ƴeyiɣi mele asinye be mafo nu le Gideon, Barak, Samson, Yefta, David, Samuel kple Nyagbloɔɔila bubuwo

ηuti o, ³³ ame siwo to xɔse me xɔ fiadufewo, d̄u dzi le dzɔdzɔenyenye me, eye wofe asi su nu si fe ηugbe wodo la dzi. Ame siawo de ga nu na dzatawo, ³⁴ tsi dzo fe adewo nu, eye wosi le yi nu, ame siwo fe gbɔdzɔgbɔdzɔ trɔ zu ηusē, wozu kalētowo le awa me, eye woɖu dzronyigbadzivakowo dzi. ³⁵ Wogbo agbe nyɔnu siwo fe lolɔtowo ku, eye wotsɔ wo na wo agbagbe. Wowo funyafunya ame bubuwo, eye wogbe be womegana ablɔde yewo o, ale be tsitrestiti si nyo wu la nasu yewo si. ³⁶ Woɖu fewu le ame adewo ηu, wofo dewo kple atam, ke wode ga bubuwo, eye wode wo gaxo me. ³⁷ Wofu kpe wo, wodze wo kple laxalaxa de eve, eye wowu wo kple yi. Wonɔ yiyim le alēgbalēwuwo kple gbōgbalēwuwo me le ahedada gā adē me. Woti wo yome, eye wosē ηuta le wo ηu, ³⁸ womedji naneke le xexe sia me o. Wonɔ tsaglāla tsam le gbedzi, towo dzi, agadowo me kple agakpetowo me le anyigba dzi.

³⁹ Woɖi dase nyui le ame siawo katã ηuti le wofe xɔse ta, ke hã la, wo dometo adēke mexo nu si fe ηugbe wodo la o. ⁴⁰ Mawu wo dɔɔ si nyo wu la de mía ηuti, ale be ne wowo dēka kpli mí la hafi ko woade blibo.

12

Mawu hea viawo

¹ Eya ta esi dasedjilawo fe ha gā adē fo xlā mí ta la, mina míaɔde moxenu de sia de kple nu vɔ si bla mí sesie la da, eye mina míaake duɖime si woɔɔ dji na mí la kple vevidodo. ² Mina míaakpo

Yesu dzi, ame si nye míafe xose fe gomedola kple nuwula, ame si le dzidzo si le ngo ne ta la, to atitsoga fe fu la me, eye mebui nukpee o. Ale wòyi danɔ Mawu fe fiazikpui la fe nuɖusime. ³ Mibu fukpekpe gã si me wòto le nu vɔ wɔlawo si me nu, ale be miagagbodzo, eye dzi naɖe le mia fo o.

⁴ Le miafe viɔli le nu vɔ si me la, mievli va se de esime miafe vu ko di haɖe o. ⁵ Ke mienlo dzidefonya si yo mi be viɔutsuwo la be. Nya lae nye be,

“Vinye ɔtsu, mɛgado vlo Afeto la fe amehede, eye dzi megade le fowò, ne eka mo na wò o,

⁶ elabena Afeto la ɖɔa ame siwo wòlɔ la ɖo, eye wòhea to na ame sia ame si wòxo abe Via ɔtsu ene.”

⁷ Mito fukpekpe me abe miafe hehe fe akpa aɖe ene, elabena Mawu le mia hem abe via ɔtsuwo ene, elabena viɔtsu kae li ame si fofoa mehea to na o? ⁸ Ame sia ame toa hehe te, eya ta ne miawo mieto hehe te o la, ekema mienye viɔtsuvi vavãwo o, ke boɔ mienye ahasiviwo. ⁹ Gawu la, anyigbadzifofowo le mí si, ame siwo naa hehe mí, eye míetsɔ bubu na wo de eta. Ke hã la, ele be míabobo mí ɖokui de mí Fofogbogbometo te xe sia xi be míano agbe! ¹⁰ Míafe anyigbadzifofowo hea to na mí hena xeyixi kpui aɖe abe ale si wònyo na woe ene, gake Mawu ya hea to na mí hena míafe nyonyo be míakpo gome le efe kɔkɔenyenye me. ¹¹ Tohehe aɖeke meli si vivia ame nu o, ke boɔ evena, ke hã la,

emegbe la, etsea dzodzɔenyenye kple ɲitifafa fe kuwo na ame siwo to tohehe la te.

¹² Eya ta mido ɲusẽ miafe abɔ siwo gbɔdzɔ kple miafe klo beliwo. ¹³ Mita mɔ dzodzɔewo na miafe afowo, ale be atatututɔ matsi mɔ ta o, ke boɲ wòakpɔ dɔyɔyɔ.

Nuxɔxlɔ amewo le nugbegbe le Mawu gbɔ ɲuti

¹⁴ Midze agbagba ɔe sia ɔe be mianɔ anyi kple amewo katã le ɲitifafa me, eye mianɔ kɔkɔe, elabena kɔkɔenyenye manɔmee la, ame aɔeke mate ɲu akpɔ Afetɔ la o. ¹⁵ Mikpɔ egbɔ be Mawu fe amenuveve metsi ame aɔeke nu o, eye mikpɔ nyuie be gbe vɔ̃ aɔeke meto ke ɔe mia dome esi ava zu aɔi vɔ̃ɔi anɔ fu ɔem na ame gedewo ahafo ɔi wo o. ¹⁶ Mikpɔ nyuie be ame aɔeke mezu ahiãwɔla alo anye mawumavɔla abe Esau, ame si tso efe ɲgɔgbevinyenye kple enudomenyinuwo dzra ɔe nuɔɔɔ zi ɔeka ko ta la ene o. ¹⁷ Abe ale si mienya nyuie ene la, esi wòva be yeanyi yayra sia fe dome emegbe la, wogbe enana. Mɔ aɔeke meli si dzi wòato be woatrɔ nu sia o, togbɔ be edi yayra sia kple aɔatsi hã.

¹⁸ Menye to si ɲuti womate ɲu aka asii, to si le bibim kple dzo la gbɔe mieva o; mieva viviti, afudodo kple ahom gbɔ. ¹⁹ Menye kpẽ fe ɔiɔi, gbe si le nu fom, ale be ame siwo see la ɔe kuku nɛ be megafo nu na yewo azɔ o la gbɔe mieva o; ²⁰ elabena womate ɲu awɔ ɔe gbe si woɔe na wo be, “Ne lã aɔe gɔ̃ hã ka asi to la ɲu la, ele be woafu kpee wòaku” la dzi o. ²¹ Nukpɔkpɔ la dzi

ηο ale gbegbe be Mose gblο be, “Mele dzodzom nyanyanya kple vovõ.”

²² Ke mieva Zion to la gbο, dzifo Yerusalem, si nye Mawu gbagbe la fe du la gbοe mieva. Mieva mawudola akpeakpe siwo fo fu le dzidzo kpom la fe asaḡa me. ²³ Mieva ηgogbevi la fe hame, ame si fe ηkο wonlo de dzifo. Mieva Mawu, ame si nye amegbetowo katā fe vovudrōla la gbο. Mieva ame dzodzoe siwo wowo blibo la fe gbogbowo gbο, ²⁴ mieva Yesu, nubabla yeye la fe avulēla la gbο kple vuhelē dji si fo nu nyuie wu Abel fe vu la gbο.

²⁵ Mikpo nyuie be miagagbe toḡoḡo ame si le nu fom la o. Nenye be womete ηu si, esi wogbe toḡoḡo eya ame si xlõ nu wo le anyigba dzi la nu o la, aleke míaowo ya míate ηu asii ne miēgbe toḡoḡo ame si le nu xlõm mí tso dzifo? ²⁶ Le xe ma xi me la, efe gbe vuvu anyigba, gake azo la, edo ηugbe be, “Magavuvu, menye anyigba deḡe ko o, ke boη dzifowo hā.” ²⁷ Nyakui “ga” deē fia be woḡe nu si woate ηu avuvu la ḡa, nu siwo nye nuwawowo, ale be nu siwo womate ηu avuvu o la deḡe ko natsi anyi.

²⁸ Eya ta esi míele mo kpom na fiadufe si womate ηu avuvu o la xoxo la, mina míaada akpe de eta, eye míasubo Mawu le mo si adze la dzi le vovõ kple dzodzo nyanyanya me, ²⁹ elabena dzo si fiaa nu lae nye míafe Mawu la.

13

Tafonyawo kple ηusēdoamenyawo

¹ Minɔ mia nɔewo lolɔ̃ dzi ɖaa abe dadaviwo ene ² Miganjlo amedzrowowo be o; to esia wowo me la, ame adewo xo mawudolawo le manya-manyanya me. ³ Miɖo ŋku ame siwo wode gaxo me la dzi abe miawo hãe le gaxo me kppli wo ene. Nenema ke miɖo ŋku ame siwo wole fu womii la dzi abe miawo hãe le fua kpem ene.

⁴ Ame sia ame nade bubu srɔdeɖe ŋu eye womafo ɖi srɔdeba o, elabena Mawu abu fo ahasiwolawo kple matrewolawo katã. ⁵ Mite mia ɖokuiwo ɖa xaa tso galolɔ̃ gbɔ, eye nu si le mia si la nedze mia ŋu, elabena Mawu gblo be,
 “Nyemaɖe asi le mia ŋu akpo o,
 eye nyemagblẽ mi ɖi akpo gbede o.”

⁶ Esia ta miegblo kple dzidefo be,
 “Yehowae nye nye xɔnameto, nyemavɔ̃ o.
 Nu ka amegbetɔ ate ŋu awom?”

⁷ Miɖo ŋku miafe kplolawo dzi, ame siwo gbloa Mawu fe nya na mi. Mibu nu siwo do go tso wofe agbenɔɔ me la ŋuti ne miasrɔ̃ wofe xɔse. ⁸ Yesu Kristo metrɔna gbede o, ale si wɔnɔ etsɔ si va yi, nenema kee wòle egbe, eye nenema kee wòano ɖaa. ⁹ Migana nufiafia trama aɖeke nakplo miafe susuwo adzoe o. Enyo be woatsɔ amenuveve ado ŋusẽ miafe dziwo, ke menye to nuɖudu tɔxe adewo fe sewo dzi wowo me o, esiwo mehea viɖe aɖeke vane na ame siwo ɖune la o. ¹⁰ Vosamlekpui aɖe le mia si; nunɔla siwo subɔna le Agbado me gɔ̃ hã mekpɔ mo aɖu nu si tso vosamlekpui sia dzi o.

¹¹ Nunɔlagã la tsoa lãwo fe vu yina ɖe Kòkɔefe fe Kòkɔefe la abe nu vɔ̃ ŋuti vɔsa ene, gake

wotoa dzo lãwo ñuto le asaḡa la godo. ¹² Esia tae Yesu hã kpe fu le du la fe agbo godoo be wòakoo efe amewo ñu, awoo wo kòkòe to eya ñuto fe vu la me. ¹³ Eya ta mina míaayi egbo azoo le asaḡa la godoo be míaawo hã míaḡu ñukpe si wòtsò, ¹⁴ elabena du si nòa anyi ḡaa la, mele mía si le afii o, ke míele mò kpòm na du si lava va.

¹⁵ Eya ta mina míatsò kafukafuvòsa na Mawu xe sia xi to Yesu dzi, kafukafu siwo nye kutsetse tso nuyi siwo vua Yesu fe ñkò me la me. ¹⁶ Miganḡo nyuiwòwò be o, eye miama nu kple mia nòewo, elabena vòsa siawo togbie dzea Mawu ñu.

¹⁷ Miḡo to miafe kplolawo, eye miwò ḡe nu siwo wogblo na mi la dzi, elabena wole mia ta kpòm abe ame siwo wòle be woana akònta Mawu tso wofe dówòna ñu ene. Miḡo to wo, ale be wofe dówòwò nanye dzidzò na wo, eye mazu agba na wo o; elabena ne ele alea la, manye kpekpeḡerḡu aḡeke na miawo hã o. ¹⁸ Mido gbe ḡa ḡe mía ta xe sia xi. Míeka ḡe edzi be dzitsinya nyui le mía si, eye míedina be míanò agbe bubutòe xe sia xi le nu sia nu me. ¹⁹ Medi vevie be mafòe ḡe mia nu toxee be miado gbe ḡa be woade asi le ñutinye na mi kpuiie.

²⁰ Ñutifafa fe Mawu la ame si to nubabla mavò fe vu la me kplò míafe Afetò Yesu Kristo Alèkplòlagã la do goe tso ame kukuwo dome la ²¹ natsò nu nyui sia nu nyui akpe ḡe mia ñuti le efe lólònuwòwò ta, eye wòawò nu si dze eḡu la le mía me to Yesu Kristo dzi, ame si ko to anye ñutikòkòe tso mavò me yi mavò me. Amen.

²² Nɔvi lolɔ́awo, mele efom ɔe mia nu be mialé to ɔe nye dzidefonamenyawo ɲu, elabena agbalé kpui aɔe koe wònye menlɔ na mi.

²³ Medi be mana mianya be woɔe asi le mía nɔvi Timoteo ɲu. Ne eva ɔo afi sia kaba la, nye kpili míaava kpɔ mi ɔa.

²⁴ Mido gbe na miafe kplɔlawo katã kple Mawu fe ameawo katã.

Nɔvi siwo tso Italia hã do gbe na mi.

²⁵ Amenuveve nana anyi kple mi katã.

**Biblica® Se aḍeke mebla Biblia zazã o
Agbenya La™**

**Éwé: Biblica® Se aḍeke mebla Biblia zazã o Agbenya
La™ (Bible) of Ghana**

copyright © 2020 Biblica, Inc.

Language: eʋegbe

Contributor: Biblica, Inc.

Biblica® Open Ewe Contemporary Scriptures™

Copyright © 1988, 2006, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

All content on open.bible is made available under a Creative Commons Attribution-ShareAlike 4.0 License (<http://creativecommons.org/licenses/by-sa/4.0/>).

You are free to:

- Share — copy and redistribute the material in any medium or format
- Adapt — remix, transform, and build upon the material for any purpose, even commercially

Under the following conditions:

Attribution — You must attribute the work as follows: “Original work available for free at www.biblica.com and open.bible” Attribution statements in derivative works should not in any way suggest that we endorse you or your use of this work.

ShareAlike — If you remix, transform, or build upon the material, you must distribute your contributions under the same license as the original.

Use of trademarks: Biblica® is a trademark registered in the United States Patent and Trademark Office by Biblica, Inc. and may not be included on any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-11-15

PDF generated using Haiola and XeLaTeX on 21 Feb 2024 from source files dated 29 Jan 2022

357b3e5f-5b9b-5166-bad7-01aa010d5029